

CONVENIOS DE PATROCINIO ENTRE A FUNDACIÓN DEPORTE GALEGO E CLUBS DEPORTIVOS PARA A ACTIVIDADE DE PATROCINIO POR PARTE DA ENTIDADE Á FUNDACIÓN DEPORTE GALEGO DE ACORDO CO PLAN DE PATROCINIO DOS EQUIPOS DE ALTA COMPETICIÓN DEPORTIVA PROFESIONAL DE GALICIA 2026

MEMORIA XUSTIFICATIVA

O DIRECTOR XERENTE DA FUNDACIÓN DEPORTE GALEGO, **DECLARA:**

Que esta FUNDACIÓN formalizou cos clubs que se detallan a continuación, o instrumento convencional arriba referido por un período de vixencia que abrangue dende o 19 de xuño de 2026 ata o 31 de outubro de 2026. A relación de clubs é a seguinte:

EXPEDIENTE	NOME
01	Ensino Lugo Club de Baloncesto
02	Club Universitario de Ferrol
03	Club de Baloncesto Breogán SAD
04	Club Basquet Coruña,S.A.D.
05	Obradoiro Club Amigos del Baloncesto CAB
06	Club Orense Baloncesto SAD
07	Club Balonmano Porriño
08	Clube Balonmán Atlét. Guardés-Guarda
09	Club Balonmán Cangas
10	Real Club Deportivo de la Coruña S A D A (feminino)
11	Real Club Celta de Vigo SAD
12	Real Club Deportivo de la Coruña S A D A (masculino)
13	Club Noia Fútbol Sala
14	O Parrulo FS
15	Club Emevé

Que o instrumento convencional ten por obxecto:

Establecer as relacións entre as Partes en orde a dispoñer a actividade de patrocinio por parte das Entidades á Fundación Deporte Galego así como a colaboración das partes na promoción do deporte de alta competición deportiva profesional en Galicia, de acordo co Plan de patrocinio para o ano 2026.

Este patrocinio desenvólvese conforme ás prestacións publicitarias obrigadas así como de conformidade co establecido no Plan de patrocinio deportivo fundacional dos equipos de alta competición deportiva profesional de Galicia 2026.

Que existiu converxencia de intereses entre as entidades asinantes en orden á consecución do obxecto referido.

Que o instrumento convencional fundamentouse no seguinte:



- I. A Fundación, entidade fundacional do sector público de Galicia, ten por obxecto a promoción e incentivo do deporte e da práctica deportiva en Galicia, en cuxa consecución está capacitada para a realización directa de actuacións e programas, ou en colaboración con institucións e empresas, tanto públicas como privadas.
- II. A Fundación, ten aprobado o Plan de patrocinio deportivo fundacional dos equipos de alta competición deportiva profesional de Galicia 2026 (en diante, o plan), cuxo obxecto principal é a difusión da actividade e imaxes fundacional e da Comunidade Autónoma, así como a promoción do deporte de alta competición deportiva profesional de Galicia, tendo por destinatarios as entidades con equipos participantes nas seguintes competicións:
 - BALONCESTO:
 - Liga Masculina Endesa.
 - Liga Feminina Endesa.
 - Primeira FEB.
 - BALONMÁN:
 - Campionato Estatal de División de Honra Feminina.
 - Campionato Estatal de División de Honra Masculina.
 - FÚTBOL:
 - La Liga. LFP EA Sports.
 - La Liga. LFP HYPERMOTION.
 - Primeira División de Fútbol Feminino.
 - Primeira División de Fútbol Sala masculina.
 - VOLEIBOL:
 - Liga IBERDROLA.
 - Superliga Masculina.
- III. As Entidades contan cun equipo participante nunha das competicións incluídas no ámbito obxectivo do Plan. En diante o Equipo.
- IV. Tras tempadas de traballo, logrando dos clubs un grande retorno publicitario en todo o territorio galego, estatal e incluso a nivel internacional, cunha presenza permanente da imaxe deste Plan de Patrocinio nos medios de comunicación, nos espazos deportivos, e nas redes sociais, incorpórase nesta convocatoria a Axencia Turismo de Galicia-Xacobeo.
- V. No ámbito do acordo de colaboración para a promoción de actividades deportivas entre a Axencia Turismo de Galicia e a Secretaría Xeral para o Deporte, establécese como obxectivo a promoción de actuacións conxuntas que redunden na promoción estatal e internacional de Galicia e do Ano Santo Xacobeo 2027, a través do deporte. Dita colaboración concrétese a través deste Plan de patrocinio entre outras actuacións, para a promoción da marca Xacobeo Galicia 2027.
- VI. Este patrocinio supón a consideración da AXENCIA TURISMO DE GALICIA-XACOBEO como patrocinador oficial do plan, incorporándose o seu distintivo corporativo ás actuacións de comunicación do mesmo que desenvolva a Fundación, sen prexuízo das restantes prestacións contempladas no presente Plan a favor da AXENCIA TURISMO DE GALICIA-XACOBEO.
- VII. Grazas ao Plan e á implicación e compromiso das entidades patrocinadas, cumprindo estritamente coas esixencias publicitarias establecidas pola Fundación, para este ano 2026, todos os equipos obxecto deste patrocinio serán o escaparate perfecto para demostrar que o DEPORTE GALEGO é un soporte publicitario de altísimo valor para exportar a nivel estatal e internacional a imaxe das nosas



marcas e para poñer en valor a importancia do deporte como medio de fomento da actividade física.

- VIII. Logo da correspondente tramitación do expediente, as Entidades resultaron adxudicatarias no procedemento establecido para a formalización coa Fundación, dun convenio de patrocinio con motivo do Plan de patrocinio.
- IX. Conforme a todo o referenciado, as partes, conveñen en subscribir o presente convenio de patrocinio.

Que os intereses converxentes das partes asinantes excluiron o ánimo de lucro, e non puideron satisfacerse axeitadamente mediante a celebración dun contrato dos contemplados no Texto Refundido da Ley 9/2017, de 8 de novembro, de Contratos do Sector Público, ou doutro instrumento alleo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2. da Lei 1/2016, de 18 de xaneiro, de transparencia e bo goberno, estimouse xustificado o recurso á sinatura do instrumento convencional, con exclusión doutras figuras.

E para que conste, asíñase electronicamente esta memoria, en Santiago de Compostela.

